

四庫全書

集部

欽定四庫全書

集部

唐人萬首絕句選卷七六

詳校官中書臣涂日煥

主事銜臣徐以坤覆勘

總校官進士<sub>臣</sub>朱 鈐

校對官主事<sub>臣</sub> 陳 墉

謄錄監生<sub>臣</sub> 單呈智

欽定四庫全書

唐人萬首絕句選卷六

宋 洪邁 元本

刑部尚書王士禎選

七言四

杜牧

過勤政樓

千秋佳節名空在承露絲囊世已無唯有紫苔偏稱意

年年因雨上金鋪

思舊遊 二首

十載飄然繩檢外  
樽前自獻自為酬  
秋山春雨閒吟處

倚徧江南寺寺樓

李白題詩水西寺  
古木回巖樓閣風  
半醒半醉遊三日  
紅白花開山雨中

過華清宮

長安回望繡成堆  
山頂千門次第開  
一騎紅塵妃子笑

無人知是荔枝來

登樂遊原

長空澹澹孤鳥沒  
萬古銷沈向此中  
看取漢家何事業  
五陵無樹起秋風

沈下賢

斯人清唱何人和  
草徑苔蕪不可尋  
一夕小剪山下夢  
水如環珮月如襟

將赴吳興登樂遊原

清時有味是無能  
閒愛孤雲靜愛僧  
欲把一麾江海去  
樂遊原上望昭陵

江南春

千里鶯啼綠映紅  
水村山郭酒旗風  
南朝四百八十寺  
多少樓臺烟雨中

雲夢澤

日旗龍旆想飄揚  
一索功高縛楚王  
直是超然五湖客  
未知終始郭汾陽

題城樓

鳴軋江樓角一聲微陽澌澌落寒汀不用憑欄苦回首  
故鄉七十五長亭

初冬夜飲

淮陽多病偶求歡客袖侵霜舉燭盤砌下梨花一堆雪  
明年誰此凭闌干

斑竹筒簞

血染斑斑成錦紋千年遺恨至今存分明知是湘妃淚

何忍將身卧淚痕

醉後題僧院

觥船一擢百分空  
十載青春不負公  
今日鬢絲禪榻畔  
茶烟輕颺落花風

赤壁

折戟沈沙鐵未銷  
自將磨洗認前朝  
東風不與周郎便  
銅雀春深鎖二喬

泊秦淮



烟籠寒水月籠沙  
夜泊秦淮近酒家  
商女不知亡國恨  
隔江猶唱後庭花

秋浦途中

瀟瀟山路窮  
秋雨淅淅溪風兩岸蒲  
為問寒沙新到雁  
來時還下杜陵無

題桃花夫人廟

細腰宮裏露桃新  
脈脈無言度幾春  
至竟息亡緣底事  
可憐金谷墜樓人

寄揚州韓綽判官

青山隱隱水迢迢  
秋盡江南草木凋  
二十四橋明月夜  
玉人何處教吹簫

鄭瓘協律

廣文遺韻留樗散  
雞犬圖書共一船  
自說江湖不歸事  
阻風中酒過年年

江上

楚鄉寒食橘花時  
野渡臨風駐綵旗  
草色連雲人去住

水紋如縠燕差池

宣州開元寺

松寺曾同一鶴棲  
夜深臺殿月高低  
何人為倚東樓柱  
正是千山雪漲溪

南陵道中

南陵水面漫悠悠  
風緊雲寒欲變秋  
正是客心孤迴處  
誰家紅袖凭江樓

遣懷

落魄江湖載酒行  
楚腰纖細掌中情  
十年一覺揚州夢  
贏得青樓薄倖名

山行

遠上寒山石徑斜  
白雲生處有人家  
停車坐愛楓林晚  
霜葉紅於二月花

懷吳中馮秀才

長洲苑外草蕭蕭  
却計郵程歲月遙  
唯有別時今不忘  
暮烟秋雨過楓橋

七夕

銀燭秋光冷畫屏  
輕羅小扇撲流螢  
瑤階夜色涼如水  
坐看牽牛織女星

華清宮

零葉翻紅萬樹霜  
玉蓮閒蕊暖泉香  
行雲不下朝元閣  
一曲淋鈴淚萬行

郡樓有宴病不赴

十二層樓敞畫簷  
連雲歌盡草纖纖  
空堂病怯階前月

燕子嗔垂一桁簾

隋苑

紅霞一抹廣陵春  
定子當筵睡臉新  
却笑丘墟隋煬帝  
破家亡國為何人

邊上聞笳

何處吹笳薄暮天  
塞垣高鳥沒狼烟  
遊人一聽頭堪白  
蘇武爭禁十九年

金谷園

繁華事散逐香塵  
流水無情草自春  
日暮東風怨啼鳥  
落花猶似墜樓人

韓琮

楊柳枝詞

枝鬪纖腰葉鬪眉  
春來無處不如絲  
灞陵原上多離別  
少有長條拂地垂

暮春滄水送別

綠暗紅稀出鳳城  
暮雲宮闕古今情  
行人莫聽宮前水

流盡年光是此聲

施肩吾

山中得劉秀才京書

自笑家貧客到踈  
滿庭烟草不曾鋤  
今朝誰料三千里  
忽得劉公一紙書

戲贈李主簿

官罷江南客恨遙  
二年空被酒中消  
不知暗數春遊處  
偏憶揚州第幾橋



雍陶

宿嘉陵館樓

離思茫茫正值秋，每因風景却生愁。  
今宵難作刀州夢，月色江聲共一樓。

和孫明府懷舊山

五柳先生本在山，偶然為客落人間。  
秋來見月多歸思，自起開籠放白鷗。

城西訪友人別墅

澧水橋西小徑斜日高猶未到君家村園門巷多相似  
處處春風枳殼花

天津橋春望

天津橋春水浸紅霞烟柳風絲拂岸斜翠輦不來金殿閉  
宮鶯銜出上陽花

李商隱

華山題王母祠

蓮華峰下鎖雕梁此去瑤池地共長好為麻姑到東海

勸栽黃竹莫栽桑

華清宮

華清恩幸古無倫，猶恐蛾眉不勝人。  
未免被他褒女笑，只教天子暫蒙塵。

北齊二首

一笑相傾國便亡，何勞荆棘始堪傷。  
小憐玉體橫陳夜，已報周師入晉陽。

巧笑知堪敵萬幾，傾城最在著戎衣。  
晉陽已陷休回顧，

更請君王獵一圍

夜雨寄北

君問歸期未有期  
巴山夜雨漲秋池  
何當共剪西窗燭  
却話巴山夜雨時

贈歌妓

水精如意玉連環  
下蔡城危莫破顏  
紅綻櫻桃含白雪  
斷腸聲裏唱陽關

寄令狐郎中

嵩雲秦樹久離居  
雙鯉迢迢一紙書  
休問梁園舊賓客  
茂陵秋雨病相如

杜司勳

高樓風雨感斯文  
短翼差池不及羣  
刻意傷春復傷別  
人間唯有杜司勳

岳陽樓

漢水方城帶百蠻  
四鄰誰道亂周班  
如何一夢高唐雨  
自此無心入武關

寄成都二從事

家近虹渠曲水濱  
全家羅襪起秋塵  
莫將越客千絲網  
網得西施別贈人

漢宮詞

青雀西飛竟未回  
君王長在集靈臺  
侍臣最有相如渴  
不賜金莖露一杯

柳

曾逐東風拂舞筵  
樂遊春苑斷腸天  
如何肯到清秋日

已帶斜陽又帶蟬

為有

為有雲屏無限嬌鳳城寒盡怕春宵無端嫁得金龜婿  
辜負香衾事早朝

飲席代官妓贈兩從事

新人橋上著春衫舊主江邊側帽簷願得化為紅綬帶  
許教雙鳳一時銜

代魏官私贈

來時西館阻佳期去後漳河隔夢思  
知有宓妃無限意  
春松秋菊可同時

詠史

北湖南埭水漫漫一片降旗百尺竿  
三百年間同曉夢  
鍾山何處有龍盤

漢宮

通靈夜醮達清晨承露盤晞甲帳  
春王母西歸方朔去  
更須重見李夫人



江東

驚魚潑刺燕翩翔  
獨自江東上釣船  
今日春光太漂蕩  
謝家輕絮沈郎錢

代應

本來銀漢是紅牆  
隔得盧家白玉堂  
誰與王昌報消息  
盡知三十六鴛鴦

過鄭廣文舊居

宋玉平生恨有餘  
遠循三楚弔三閭  
可憐留著臨江宅

異代應教庾信居

涉洛川

通谷陽林不見人  
我來遺恨古時春  
宓妃漫結無窮恨  
不為君王殺灌均

宮妓

珠箔輕明拂玉墀  
披香新殿鬪腰支  
不須看盡魚龍戲  
終遣君王怒偃師

宮詞

君恩如水向東流得寵憂移失寵愁莫向尊前奏花落  
涼風只在殿西頭

代贈二首

樓上黃昏欲望休玉梯橫絕月中鈎芭蕉不展丁香結  
同向春風各自愁

東南日出照高樓樓上離人唱石州總把春山掃眉黛  
不知供得幾多愁

瑤池

瑤池阿母綺窓開黃竹歌聲動地哀八駿日行三萬里  
穆王何事不重來

板橋曉別

回望高城落曉河長亭窓戶壓微波水仙欲上鯉魚去  
一夜芙蓉紅淚多

夕陽樓

花明柳暗繞天愁上盡重城更上樓欲問孤鴻向何處  
不知身世自悠悠

西南行却寄相送者

百里陰雲覆雪泥  
行人只在雪雲西  
明朝驚破還鄉夢  
定是陳倉碧野雞

齊宮詞

永壽兵來夜不扃  
金蓮無復印中庭  
梁臺歌管三更罷  
猶自風搖九子鈴

讀任彥昇碑

任昉當年有美名  
可憐才調最縱橫  
梁臺初建應惆悵

不得蕭公作騎兵

有感

非關宋玉有微辭却是襄王夢覺遲  
一自高唐賦成後  
楚天雲雨盡堪疑

過楚宮

巫峽迢迢舊楚宮至今雲雨暗丹楓  
微生盡戀人間樂  
只有襄王憶夢中

龍池

龍池賜酒敞雲屏  
羯鼓聲高衆樂停  
夜半宴歸宮漏永  
薛王沉醉壽王醒

嫦娥

雲母屏風燭影深  
長河漸落曉星沉  
嫦娥應悔偷靈藥  
碧海青天夜夜心

憶住一師

無事經年別遠公  
帝城鐘曉憶西峰  
爐烟銷盡寒燈晦  
童子開門雪滿松

寄蜀客

君到臨邛問酒壚  
近來還有長鄉無  
金徽却是無情物  
不許文君憶故夫

賈生

宣室求賢訪逐臣  
賈生才調更無倫  
可憐夜半虛前席  
不問蒼生問鬼神

溫庭筠

贈少年



江海相逢客恨多，秋風葉下洞庭波。  
酒酣夜別淮陰市，月照高樓一曲歌。

贈彈箏人

天寶年中事玉皇，曾將新曲教寧王。  
玉鈿蟬金雁皆零落，一曲伊州淚萬行。

瑤瑟怨

冰簟銀牀夢不成，碧天如水夜雲輕。  
雁聲遠過瀟湘去，十二樓中月自明。

春日雨

細雨濛濛入絳紗  
湖亭寒食孟珠家  
南朝漫自稱流品  
宮體何曾為杏花

過吳景帝陵

王氣銷來水淼茫  
豈能才與命相妨  
虛開直瀆三千里  
青蓋何曾到洛陽

贈鄭徵君

一拋蘭棹逐燕鴻  
曾向江湖識謝公  
每到朱門還悵望

故山多在畫屏中

車駕西遊因而有作

宣曲長楊瑞氣凝上林狐兔待秋鷹誰將詞賦陪雕輦  
寂寞相如卧茂陵

題端正樹

路傍佳樹碧雲愁曾侍金輿幸驛樓草木榮枯似人事  
綠陰寂寞漢陵秋

經故翰林袁學士居

劍逐驚波玉委塵謝安門下更何人  
西州城外花千樹  
盡是羊曇醉後春

河中紫極宮

昔年曾伴玉真遊每到仙宮即是秋  
曼倩不歸花落盡  
滿叢烟露月當樓

夜看牡丹

高低深淺一闌紅把火殷勤照露叢  
希逸近來成懶病  
不能容易向春風

題分水嶺

溪水無情似有情  
入山三日得同行  
嶺頭便是分頭處  
惜別潺湲一夜聲

鄠杜郊居

槿籬芳援近樵家  
隴麥青青一徑斜  
寂寞遊人寒食後  
夜來風雨送梨花

咸陽值雨

咸陽橋上雨如懸  
萬點空濛隔釣船  
還似洞庭春水色

卷六  
曉雲將入岳陽天

南歌子詞

井底點燈深燭伊共郎長行莫圍碁玲瓏散子安紅豆  
入骨相思知不知

段成式

觀碁

閒對文楸傾一壺黃羊枰上幾成都他時謁帝銅池曉  
便賭宣城太守無

寄溫飛卿牋紙

三十六鱗充使時  
數番猶得裏相思  
待將袍襖重鈔了  
盡寫襄陽播諾詞

嘲飛卿

醉袂幾侵魚子纈  
飄纓長冒鳳凰釵  
知君欲作閒情賦  
應願將身作錦鞵

柳烟梅雪隱青樓  
殘日黃鸝語未休  
見說自能裁袖腹  
不知誰更著幘頭

柔卿解籍戲呈飛卿

長檐犢車初入門  
金牙新醞盈深尊  
良人為漬木瓜粉  
遮却紅腮交午痕

出意挑鬟一尺長  
金為鈿鳥簇釵梁  
鬱金種得花茸細  
添入春衫領裏香

戲高侍御 三首

七尺髮猶三角梳  
玳牛獨駕長檐車  
曾城自有三青鳥  
不要蓮東雙鯉魚



別起青樓作幾層斜陽慢卷鹿盧繩厭栽魚子深紅纈  
泥覓蜻蜓淺碧綾

可羨羅敷自有夫愁中漫捋白髭鬚豹錢驄子能擎舉  
兼著連乾許換無

許渾

寄桐江隱者

潮去潮來洲渚春山花如繡草如茵嚴陵臺下桐江水  
解釣鱸魚有幾人

謝亭送別

勞歌一曲解行舟  
紅葉青山水急流  
日暮酒醒人已遠  
滿天風雨下西樓

下第懷友人

獨掩衡門花落時  
一封書信緩歸期  
南宗更有瀟湘客  
夜夜月明聞竹枝

題段太尉廟

靜想追兵緩翠華  
古碑荒廟閉松花  
紀生不向滎陽死

爭有山河屬漢家

經秦皇墓

龍盤虎踞樹層層  
勢入浮雲亦是崩  
一種青山秋草裏  
行人惟拜漢文陵

過湘妃廟

古木蒼山掩翠蛾  
月明南浦起微波  
九疑望斷幾千載  
斑竹淚痕今更多

送宋處士歸山

賣藥修琴歸去遲  
山風吹盡桂花枝  
世間甲子須臾事  
逢著仙人莫看棋

秦樓曲

秦女夢餘仙路遙  
月窓風簟夜迢迢  
潘郎翠鳳雙飛去  
三十六宮聞玉簫

楚宮怨

十二峰晴花盡開  
楚宮雙闕對陽臺  
細腰爭舞君王醉  
白日秦兵天上来

聽唱山鷓鴣

金谷歌傳第一流，鷓鴣清怨碧烟愁。  
夜來省得曾聞處，萬里月明湘水秋。

學仙

心期仙訣意無窮，采畫雲車起壽宮。  
聞有三山未知處，茂陵松柏滿西風。

紫藤

綠蔓穠陰紫袖低，客來留坐小堂西。  
醉中掩瑟無人會。

家近江南畧畫溪

趙嘏

烏栖曲

宮烏栖處玉樓深  
微月生簷夜夜心  
香輦不回花自落  
春來空佩辟寒金

宛陵望月寄沈學士

一川如畫敬亭東  
待詔閒遊處處同  
竺山前鏡湖畔  
何如今日庾樓中

翡翠巖

芙蓉幕裏千場醉  
翡翠巖前半日閒  
惆悵晉朝人不到  
謝公拋力上東山

經汾陽舊宅

門前不改舊山河  
破虜曾經馬伏波  
今日獨經歌舞地  
古槐疎冷夕陽多

寄盧中丞

葉覆清溪澗澗紅  
路橫秋色馬嘶風  
獨攜一榼郡齋酒

吟對青山憶謝公

尋僧

溪戶無人谷鳥飛  
石橋橫木挂禪衣  
看雲日暮倚松立  
野水亂鳴僧未歸

西江晚泊

茫茫鵲鵲失西東  
柳浦桑村處處同  
戍鼓一聲帆影盡  
水禽飛起夕陽中

江樓感舊



獨上江樓思渺然，月光如水水如天。  
同來望月人何處，風景依稀似去年。

送從翁中丞奉使黠戛斯

旌旗杳杳雁蕭蕭，春盡窮沙雪未消。  
料得堅昆受宣後，始知公主已歸朝。

寄遠

禁鐘聲盡見棲禽，關塞迢迢故國心。  
無限春愁莫相問，落花流水洞房深。

聽琴

抱琴花夜不勝春  
獨奏相思淚滿巾  
第五指中心最恨  
數聲嗚咽為何人

盧弼

邊庭四時怨

朔風吹雪透刀瘢  
飲馬長城窟更寒  
夜半火來知有敵  
一時齊保賀蘭山

皇甫松

浪淘沙詞

蠻歌苴蔻北人愁  
松雨蒲風野艇秋  
浪起鷓鴣眠不得  
寒沙細細入江流

劉阜

長門怨

蟬鬢慵梳倚帳門  
蛾眉不掃慣承恩  
傍人未必知心事  
一面殘妝空淚痕

馬戴

送友人遊邊

有客新從絕塞回  
自言曾上李陵臺  
尊前話盡北風起  
秋色蕭條胡雁來

薛能

折楊柳

洛橋晴影覆江船  
羌笛秋聲溼塞烟  
閒想習池公宴罷  
水蒲風絮夕陽天

吳姬

身是三千第一名內家叢裏獨分明芙蓉殿上中元日  
水拍銀盆弄化生

鄭畋

初秋寓直

曉星猶挂結璘樓三殿風高藥樹秋玉笛數聲飄不住  
閒人依約在東頭

馬嵬坡

玄宗回馬楊妃死雲雨難忘日月新終是聖明天子事

景陽宮井又何人

崔珣

席上贈琴客

七條弦上五音寒此藝知音自古難  
唯有開元房太尉  
始終憐得董庭蘭

唐人萬首絕句選卷六

欽定四庫全書

唐人萬首絕句選卷七

宋 洪 邁 元本

刑部尚書王士禎選

七言五

陸龜蒙

石竹花

曾看南朝畫國娃  
古羅衣上碎明霞  
而今莫共金錢鬪

金  
卷六  
買却春風是此花

送棊客

滿目山川似勢棊  
况當秋雁正斜飛  
金門若召羊玄保  
賭取江東太守歸

鄴宮詞

花飛蝶駭不愁人  
水殿雲廊別置春  
曉日靚妝千騎女  
白櫻桃下紫綸巾

懷宛陵舊游



陵陽佳地昔年游  
謝朓青山李白樓  
唯有日斜溪上思  
酒旗風影落春流

白蓮

素鷗多蒙別豔欺  
此花真合在瑤池  
無情有恨何人見  
月晚風清欲墮時

後池

曉烟清露暗相和  
浴雁浮鷗意緒多  
却是陳王詞賦錯  
枉將心事託微波

初冬偶作

桐下空階疊綠錢  
貂裘初綻擁高眠  
小爐低幌還遮掩  
酒滴灰香似去年

簾

枕映疎容晚向歌  
秋烟脈脈雨微微  
逆風障燕尋常事  
不學人前當妓衣

祕色越器

九秋風露越窰開  
奪得千峰翠色來  
好向中宵盛沆瀣

共嵇中散鬪遺杯

木蘭花

或作李  
商隱

洞庭波浪渺無津  
日日征帆送遠人  
幾度木蘭舟上望  
不知元是此花身

皮日休

重臺荷花

歌紅媵媚力難任  
每葉頭邊半米金  
可得教他水妃見  
兩重原是一重心

松江早春

松陵清淨雪消初見底  
新安恐未如穩凭船舷無一事  
分明數得鱸殘魚

病酒

鬱林步障晝遮明  
一炷濃香養病醒  
何事晚來還欲飲  
隔牆聞賣蛤蜊聲

玩金鷄鵝

鏤羽雕毛迴出羣  
溫磨飄出麝臍熏  
夜來曾吐紅茵畔

猶自溪邊睡不聞

李訥

聽盛小叢歌贈崔侍御

繡衣奔命去情多南國佳人斂翠蛾  
曾向教坊聽國樂為君重唱盛叢歌

高湘

奉和

謝安春渚餞袁宏千里仁風一扇清  
歌黛慘時方醖酏

不知公子重飛觥

盧澥

奉和

烏臺上客紫髯公  
共捧天書靜鏡中  
桃葉不須歌白苧  
耶谿暮雨起樵風

鄭谷

淮上與友人別

揚子江頭楊柳春  
楊花愁殺渡江人  
數聲風笛離亭晚

君向瀟湘我向秦

席上贈歌者

花月樓臺近九衢清歌一曲倒金壺坐中亦有江南客  
莫向春風唱鷓鴣

吳融

閩鄉卜居

六載抽毫侍禁闈不堪多病決然歸五陵年少如相問  
阿對泉頭一布衣

楚事

悲秋應亦抵傷春  
屈宋當年並楚臣  
何事從來好時節  
只將惆悵付詞人

高蟾

金陵晚望

曾伴浮雲歸晚翠  
猶陪落日汎秋聲  
世間無限丹青手  
一片傷心畫不成

馬逢



從軍

漢馬千蹄合一羣  
單于鼓角隔山聞  
沙埽風起紅樓下  
飛上胡天作陣雲

宮詞

玉樓天半起笙歌  
風送宮人笑語和  
月殿影閒聞曉漏  
水精簾捲近秋河

孟遲

過驪山

冷日微烟渭上愁  
華清宮樹不勝秋  
霓裳一曲千門鎖  
白盡梨園子弟頭

崔櫓

華清宮 二首

草遮回磴絕鳴鑿  
雲樹深深碧殿寒  
明月自來還自去  
更無人倚玉闌干

門橫金鎖悄無人  
落日秋聲渭水濱  
紅葉下山寒寂寂  
溼雲如夢雨如塵

王貞白

折楊柳

枝枝交影鏤長門  
嫩色曾沾雨露恩  
鳳輦不來春欲盡  
空留鶯語到黃昏

劉言史

泊花石浦

舊業叢臺廢苑東  
幾年為梗復為蓬  
杜鵑啼斷還家夢  
半在邯鄲驛樹中

宋邕

春日

輕花細葉滿林端  
昨夜春風曉色寒  
黃鳥不堪愁裏聽  
綠楊宜向雨中看

李郢

送李判官

津市停桡送別難  
熒熒蠟炬照更闌  
東風萬疊吹江月  
誰伴袞裘宿夜灘

宿杭州虛白堂

秋月斜明虛白堂  
寒蛩唧唧樹蒼蒼  
江風徹曉不得睡  
二十五聲秋點長

裴夷直

贈美人琴絃

應從玉指到金徽  
萬態千情料可知  
今夜燈前湘水怨  
殷勤封在七條絲

儲嗣宗

小樓

松杉風外亂山青  
曲几焚香對石屏  
空憶去年春雨後  
燕泥時污太玄經

月夜

雁池衰草露沾衣  
河水東流萬事微  
寂寞青陵臺上月  
秋風滿樹鵲南飛

羅鄴

放鷓鴣

好倚青山與碧谿  
刺桐毛竹待雙棲  
花時遷客傷離別  
莫向相思樹上啼

秋怨

夢斷南窓啼曉烏  
新霜昨夜下庭梧  
不知簾外如規月  
還照邊城到曉無

羅虬

比紅兒詩十二首

陷却平陽為小憐  
周師百萬戰長川  
更教乞與紅兒貌

舉國山河不直錢

一曲都緣張麗華六宮齊唱後庭花若教比並紅兒貌  
枉破當時國與家

樂營門外柳如陰中有佳人畫閣深若使五陵公子見  
買時應不惜千金

詔下人間選好花月眉雲髻盡名家紅兒若向當時見  
繫臂先封第一紗

拔得芙蓉出水新魏家公子信才人若教瞥見紅兒貌



不肯留情賦洛神

樹裏西風日半沈  
地無人迹轉傷心  
阿嬌得似紅兒貌  
不費長門買賦金

薄羅輕翦越溪紋  
鵝翅低從兩鬢分  
料得相如偷見面  
不應琴裏挑文君

鸚鵡蛾如裊露紅  
鏡前眉樣自深宮  
稍教得似紅兒貌  
不嫁南朝沈侍中

青史書來未是真  
可知纖智却狂秦  
再三為謝齊王后

要解連環別與人

蘇小輕勻一面妝，便留名字著錢塘。  
藏鴉門外諸年少，不識紅兒未是狂。

天碧輕紗只六銖，宛風含露透肌膚。  
便教漢曲爭明媚，應沒心情更弄珠。

金粟妝成扼臂環，舞腰輕轉瑞雲間。  
紅兒生在開元末，羞殺新豐謝阿蠻。

羅隱

煬帝陵

入郭登橋出郭船  
紅樓日日柳年年  
君王忍把平陳業  
只換雷塘數畝田

司空圖

有感

國事皆須救未然  
漢家高閣漫凌烟  
功臣盡遣詞人贊  
不省滄洲畫魯連

華下

故國春歸未有涯  
小闌高檻別人家  
五更惆悵回孤枕  
猶有殘燈照落花

狂題

別鶴淒涼指法存  
戴逵能恥近王門  
世間第一風流事  
借得王公玉枕痕

韓偓

聞雨

香侵蔽膝夜寒輕  
聞雨傷春夢不成  
羅帳四垂紅燭背

玉釵敲著枕函聲

已涼

碧闌干外繡簾垂  
猩色屏風畫折枝  
八尺龍鬚方錦褥  
已涼天氣未寒時

遙見

悲歌淚溼淡燕脂  
閒立風吹金縷衣  
白玉堂東遙見後  
令人評泊畫楊妃

寒食夜

側側輕寒翦翦風杏花飄雪小桃紅夜深斜搭秋千索  
樓閣朦朧細雨中

新上頭

學梳蟬鬢試新裙消息佳期在此春為愛好多心轉感  
徧將宜稱問傍人

閨怨

時光潛去暗淒涼懶對菱花暈曉妝初折秋千人寂寞  
後園青草任他長

深院

鵝兒啼唳  
梔黃背鳳子  
輕盈膩粉腰  
深院下簾人  
晝寢  
紅薔薇映碧芭蕉

寄鄰莊道侶

聞說經旬不啟關  
藥窓誰伴醉開顏  
夜來雪壓村前竹  
剩見溪南幾尺山

劉駕

長門怨

御泉長統鳳皇樓只是恩波別處流閒揲舞衣歸未得  
夜來砧杵六宮秋

崔塗

湘中謠

烟愁雨細雲冥冥杜蘭香老三湘清故山望斷不知處  
鷓鴣隔花時一聲

讀漢武內傳

分明三鳥下儲胥一覺釣天夢不如無那白頭方士到



茂陵紅樹已蕭疎

夷陵夜泊

家依楚塞窮秋別  
身逐孤舟萬里行  
一曲巴歌半江月  
便應消得二毛生

司馬札

宮怨

柳色參差掩畫樓  
曉鶯啼送滿宮愁  
年年花落無人見  
空逐春泉出御溝

冷朝光

越溪怨

越王宮裏如花人  
越水溪頭采白蘋  
白蘋未盡人先盡  
誰見江南春復春

陳陶

閒居雜興

越里娃童錦作襦  
豔歌聲壓郢中姝  
無人說向張京兆  
一曲江南十斛珠

隴西行

誓掃匈奴不顧身  
五千貂錦喪胡塵  
可憐無定河邊骨  
猶是春閨夢裏人

王偃

夜夜曲

北斗星移銀漢低  
班姬愁思鳳城西  
青槐陌上人行絕  
明月樓前烏夜啼

崔道融

羯鼓

華清宮裏打撩聲供奉絲簧束手聽寂寞鑿輿斜谷裏  
是誰翻得雨淋鈴

梅

溪上寒梅初滿枝夜來霜月透芳菲清光寂寞思無盡  
應待琴尊與解圍

酒醒

酒醒撥別殘灰火多少淒涼在此中爐畔自斟還自醉

竹窓深夜雪兼風

韋莊

邠州寒食 三首

滿街楊柳綠絲烟  
畫出清明二月天  
好是隔簾花樹動  
女郎撩亂送鞦韆

開元坡下日初斜  
拜婦歸來走鈿車  
可惜數枝紅艷好  
不知今夜落誰家

雨絲烟柳欲清明  
金屋人間暖鳳笙  
永晝迢迢無一事

隔牆聞蹴氣毬聲

江行西望

西望長安白日遙  
半年無事駐蘭橈  
欲將張翰松江雨  
畫作屏風寄鮑昭

古離別 二首

晴烟漠漠柳毵毵  
不那離情酒半酣  
更把玉鞭雲外指  
斷腸春色在江南

一生風月供惆悵  
到處烟花恨別離  
至竟多情何處好

少年長抱長年悲

金陵圖 二首

誰為傷心畫不成  
畫人心逐世人情  
君看六幅南朝事  
老木寒雲滿故城

江雨霏霏江草齊  
六朝如夢鳥空啼  
無情最是臺城柳  
依舊烟籠十里隄

孫光憲

竹枝

門前春水白蘋花岸上無人小艇斜商女經過江欲暮  
散拋殘食飼神鴉

楊柳枝

閨門風暖落花乾飛徧江城雪不寒獨有晚來臨水驛  
閒人多凭赤闌干

王渙

惆悵詞七首

李夫人病已經秋漢武看來不舉頭所得穠華消歇盡



楚魂湘血一生休

隋師戰艦欲亡陳國破應難保此身訣別徐郎淚如雨  
鑑鸞分後屬何人

嗚咽離聲管吹秋妾身今日為君休齊奴不說平生事  
忍看花枝謝玉樓

七夕瓊筵往事陳兼花連蒂共傷神蜀王殿裏三更月  
不見驪山私語人

陳宮興廢事難期三閣空餘綠草基狎客淪亡麗華死

他年江令獨來時

少卿降北子卿還朔野離觴慘別顏  
却到茂陵惟一慟  
節毛零落鬢毛斑

夢裏分明入漢宮  
覺來燈背錦屏空  
亂臺月落關山曉  
腸斷君恩信畫工

杜荀鶴

新雁

暮天新雁起汀洲  
紅蓼花疎水國秋  
想得故園今夜月

幾人相憶在江樓

張泌

惜花

蝶散鶯啼尚數枝  
日斜風定更離披  
看多記得傷心事  
金谷樓前垂地時

寄人 二首

別夢依依到謝家  
小廊回合曲闌斜  
多情只有春庭月  
猶為離人照落花

酷憐風月為多情  
還到春時別恨生  
倚柱尋思倍惆悵  
一場春夢不分明

李九齡

山中寄友人

亂雲堆裏結茅廬  
已共紅塵跡漸疎  
莫問野人生計事  
窓前流水枕前書

蔣吉

旅泊

霜月初高鸚鵡洲美人清唱發紅樓鄉心暗逐秋江水  
直到吳山脚下流

孫元晏

庾信

苦心詞賦為誰談淪落咸陽志豈甘可惜多才庾開府  
一生惆悵憶江南

馬彧

贈韓定辭

燧林芳草綿綿思盡日相攜陟麗譙別後巵罇山上望

羨君時復見王喬

巵罇讀如權旄  
詳顏氏家訓

韓定辭

酬馬彥

崇霞臺上神仙客學辨癡龍藝最多威德好將銀筆述  
麗詞堪與雪兒歌

開元名公

裴給事宅白牡丹

長安豪貴惜春殘，爭賞新開紫牡丹。  
別有玉盤承露冷，無人起就月中看。

韋氏子

悼亡妓

惆悵金泥簇蝶裙，春來猶見伴行雲。  
不教布施剛留得，恰似相逢李少君。

君山父老

閒吟

湘中老人讀黃老手援紫藟坐碧草春至不知湘水深  
日暮忘却巴陵道

釋皎然

青陽上人院

君說南朝全盛日秣陵才子最多人千年秋色古池館  
誰見齊王西邸春

釋清塞

憶潯陽舊居兼贈長孫郎中



潯陽却到知何日此地今無舊使君  
長憶窮冬宿廬岳  
瀑泉水折共僧聞

釋無本

行次漢上

習家池沼草萋萋嵐樹光中  
信馬蹄漢主廟前湘水碧  
一聲風角夕陽低

梅妃

謝賜珍珠

桂葉雙眉久不描  
殘妝和淚污紅綃  
長門盡日無梳洗  
何必真珠慰寂寥

杜秋孌所歌

金縷曲

勸君莫惜金縷衣  
勸君須惜少年時  
有花堪折直須折  
莫待無花空折枝

魚玄機

送盧員外

玉壘山前風雪夜錦官城北別離魂  
信陵公子如相問  
長向夷門感舊恩

薛濤

送友人

水國蒹葭夜有霜月寒山色共蒼蒼  
誰言千里自今夕  
離夢杳如關塞長

竹郎廟

竹郎廟前多古木夕陽沈沈山更綠  
何處江村有笛聲

聲聲盡是迎郎曲

武昌妓

續韋蟾句

悲莫悲兮生別離  
登山臨水送將歸  
武昌無限新栽柳  
不見楊花撲面飛

湘妃廟女子

無題 二首

碧杜紅蘅縹緲香  
冰絲彈月弄新涼  
峰巒一一渾相似

九處堪疑九斷腸

少將風月怨平湖見盡扶桑水到枯  
相約杏花壇上去  
畫闌紅子鬪擣蒲

桐廬神

與徐兵曹酬獻

忽然湖上片雲飛不覺舟中雨溼衣  
折得荷花渾忘却  
空將荷葉蓋頭歸

甘棠叟

無題

春草萋萋春水綠  
野棠開盡飄香玉  
繡嶺宮前鶴髮人  
猶唱開元太平曲

襄州舉人

無題

流水涓涓芹芽織  
烏西飛客還家  
荒村無人作寒食  
殞宮空對棠梨花

天竺牧童

別李源

身前身後事茫茫欲話因緣恐斷腸  
吳越山川尋已徧却回烟棹上瞿唐

屏上美人

春陽曲

長安少女踏春陽何處春陽不斷腸  
舞袖弓彎渾忘却羅幃空度九秋霜

樂府辭蓋嘉運進

涼州歌

朔風吹葉雁門秋  
萬里烟塵昏戍樓  
征馬長嘶青海北  
胡笳夜聽隴山頭

突厥三臺

雁門山上雁初飛  
馬邑欄中馬正肥  
昨日山西逢驛使  
殷勤南北送征衣

蘆中集

讀庾信集



四朝十帝盡風流  
建業長安兩醉游  
唯有一篇楊柳曲  
江南江北為君愁

初過漢江

襄陽好向岷亭看  
人物蕭條值歲闌  
為報習家多置酒  
夜來風雪過江寒

無名氏

雜詩

近寒食雨草萋萋  
著麥苗風柳映堤  
等是有家歸未得

杜鵑休向耳邊啼

浙江輕浪古悠悠望海樓吹望海愁莫怪鄉心隨魄斷  
十年為客在他州

無定河邊暮笛聲赫連臺畔旅人情函關歸路千餘里  
一夕秋風白髮生

花落長川草色青暮山重疊雨冥冥逢春便覺飄蓬苦  
今日分飛一涕零

唐人萬首絕句選卷七